



2019 թվականի փետրվարի 20-ին Նինոծմինդայի շրջանի Հեշտիա գյուղում տեղի ունեցավ «Արմաթ» ինժեներական լաբորատորիայի հանդիսավոր բացումը: Լաբորատորիան ստեղծվել է «Կարիտաս Վրաստան»-ի հովանավորությամբ և «Զավախքին աջակցություն» (ԶԱՀ) հիմնադրամի Վրաստանի ներկայացուցչության ու Առաջատար տեխնոլոգիաների ձեռնարկությունների միության (ԱՏՁՄ) գործընկերությամբ:

Բացման արարողությանը ներկա էին Վրաստանում Հայաստանի դեսպան Ռուբեն Սադոյանը, Նինոծմինդայի շրջանի ղեկավարությունը, «Կարիտաս Վրաստան»-ի նախագահ, եպիսկոպոս Բեն Բեթ Յադեգարը, «Զավախքին աջակցություն» հիմնադրամի (ԶԱՀ) նախագահ Սոս Սահակյանը և Առաջատար տեխնոլոգիաների ձեռնարկությունների միության (ԱՏՁՄ) տնօրեն Կարեն Վարդանյանը, գործարարներ և այլք:

Իր օրհնաբեր ներկայությունն էր բերել Վիրահայոց թեմի առաջնորդ Գրշ. Տեր Վազգեն եպս. Միրզախանյանը: Հյուրերին դիմավորեցին ավանդական աղուհացով:

Արմաթ բառը պետք է հասկանալ հայկական մաթեմատիկա , որի հետաքրքրությունն ամբողջ աշխարհում կա: Զավախքի երեխաների հակվածությունը դեպի բնական գիտությունները թույլ է տալիս



խոսել զարգացման հեռանկարների մասին: Նմանատիպ բացառիկ լաբորատորիաներ Զավախքում ընդամենը երկուսն են՝ Ախալքալաք քաղաքում և Նինոծմինդայի շրջանի Հեշտիա գյուղում:

Ծրագիրը խթանում է Զավախքում տեխնոլոգիական կրթության զարգացմանը, տեխնոլոգիական զբաղվածության ընդլայնմանը, հավելյալ տնտեսական ակտիվությանը և ստեղծում աշխատանքի հնարավորություններ ու հայրենի շենում մնալու հեռանկարներ:



Հեշտիայի «ԱրՄաք» ինժեներական լաբորատորիայում շուրջ 70 երեխա արդեն մասնակցում է դասընթացներին՝ ձեռք բերելով ինժեներության, եռաչափ մոդելավորման, ծրագրավորման, ռոբոտաշինության և դիզայնի հմտություններ:

Առաջիկայում, Ջավախքին աջակցություն հիմանադրամը նախատեսում է Սամցխե-Ջավախք տարածաշրջանում բացել ևս 5 նման լաբորատորիա:

Հայաստանի, Արցախի և Վրաստանի տարածքում գործում են 250-ից ավելի «Արմաք» ինժեներական լաբորատորիաներ, որտեղ ավելի քան 6500 երեխա ստանում է անվճար ինժեներական կրթություն: